



PARLIAMENT
OF THE REPUBLIC OF SOUTH AFRICA

**XIRHAMBO EKA VAAKI KU NYIKA VUMBHONI EKA KOMITI HI
MAYELANA NA VULAVISISI BYA XIYENGE XA 194 – VULAVISISI
EKA KU SUSIWA KA MUSIRHELERI WA VAAKI,
GQWETA BUSISIWE MKHWEBANE ENTIRHWENI
(XIKOMBELO XA VUMBHONI)**

Komiti ya Vulavisisi bya Xiyenge xa 194 (“Komiti”) leyi tumbuluxiweke hi Huvo ya Rixaka (“NA”) yi endla vulavisisi bya xiyenge xa 194 xa Vumbiwa ku kambela swihello leswi nga eka Moxini lowu andlariweke hi 21 Nyenyanyana 2020 eka NA ku sungula ku susiwa ka Musirheleri wa Vaaki, Gqweta B Mkhwebane hi mhaka ya ku nga tirhi ntirho hi vuswikoti loku ku kumbeteriwaka na/ kumbe matikhomelo yo biha (“Moxini”)

Xikongomelo xa Vulavisisis i ku:

- kambela swihello leswi nga eka moxini ku endlela ku kuma loko **Gqweta B Mkhwebane** a nga koti tirha ntirho wa yena hi ku hetiseka na/kumbe loko a ve na matikhomelo yo biha; na.
- ku vika eka NA hi mayelana na leswi yi swi kumeke na swibumabumelo

Komiti yi rhamba vanhu ku yi tivisa hi ku tsala loko va navela ku nyika vumbhoni emahlweni ka yona leswi nga ta yi pfuna eka makambeleso ya yona ya Moxini ku nga si hundza 23 Mudyaxihi 2022, na ku tsundzuxa eka xitiviso xolexo loko ku ri na xilavelo xo pfuniwa ku endla xitativente hi ku hlambanya kumbe ku nyika vumbhoni. Vuxokoxoko lebyi hetisekeke byo tihlanganisa byi fanele byi katsiwa eka xitiviso xolexo.

Munhu kumbe nhlango wih kumbe wih lowu navelaka ku nyika vumbhoni hi mayelana na timhaka leti humaka eka Moxini wu fanele ku endla tano hi ku tsala, naswona ehansi ka xihlambanyo kumbe xitivisiso ku nga si hundza **12h00 hi 3 Khotavuxika 2022.**

Xitiviso na vumbhoni lebyi boxiweke laha henhla swi fanele ku yisiwa eka Komiti hi:

- Imeyilela eka Matsalana wa Komiti, **Tatana Thembinkosi Ngoma eka tngoma@parliament.gov.za (loyi a kumekaka eka riqingho ra 083 709 8407)** kumbe
- Xi yisiwa xi ri khopi leyi kandziyiweke hi ku sungula ku twananiwa na Matsalana wa Komiti.

Loko swi fanerile, munhu kumbe nhlango wih kumbe wih wu nga komberiswa ku nyika vumbhoni ehansi ka xihlambanyo emahlweni ka Komiti hi ku ya hi Nawu wa Matimba, Swifundzo na Mitshuxeko ya Palamende na Tihuvo to Endla Milawu ta Swifundzankulu, 2004 na milawu na maendlelo wahi kumbe wahi lama tirhaka. A ku na vumbhoni lebyi nga hava xihlambanyo byi nga ta amukeriwa.

Vulavisisi byi landzela ku yisiwa ka xiviko lexi lulamisiweke hi Phanele leyi Tiyimeleke lebyi sikhutiweke 24 Nyenyanyana 2021 lebyi bumabumaleke, hi swivangelo leswi nga eka xiviko lexi, leswaku swihello leswi nga eka Moxini swi fanele swi yisiwa eka Komiti tanihilaha swi lavekaka hakona eka Milawu ya NA.

Vulavisisi byi ta endlwiwa hi ndlela leyi twalaka na ku ya ya maendlelo yo ka ma nga voyameli ethelo hi nkarhi wa kahle lowu vekikeke.

Leswi landzelaka swi nga fikeleriwa hi ndlela ya elekithironiki eka webusayiti ya Palamende ya www.parliament.gov.za

- Moxini lowu nga ta na Vulavisisi xikan'we na vumbhoni byo seketela;
- Ku angula ka Musirheleri wa Vaaki eka Moxini;
- Xiviko xo huma eka Phanele Leyi Tiyimeleke lexi yisiweke eka NA;
- Milawu ya NA leyi lawulaka ku susiwa; na
- Swipimelo swa Matirhelo tanihilaha swi pasisiweke hakona hi Komiti hi 22 Nyenyanyana 2022, naswona leswi nga cinciwaka nkarhi na nkarhi.

Xi humesiwile hi Muchaviseki Tatana QR Dyantyi, Xirho xa Palamende, Mutshamaxitulu wa Komiti ya Vulavisisi bya Xiyenge xa 194.

**Parliament – Following up on our commitments to the People
– Making your future work better**